



Arubaanse Courant

ANJA 25

DIALUNA 17 FEBRUARI 1964.

No. 4966

DIRECTIVA I.O.W.U.A. KIER REFERENDUM PA HUELGA

SINEMBARGO INSIDERNAN NO TA HANJA SITUACION PELIGROSO

Oranjestad, 17 Febr. - Diasabra atardi banda di tres'or, señor Eddy Maduro, representante di Confederacion Latino Americano di Sindicatos Cristianos, a sali pa Rio de Janeiro, via Corsow y Venezuela, na unda e lo asisti na un congreso di representantenan di CLASC den Sur-America y paisnan den Caribe. Despues di e Congreso na Rio de Janeiro e lo bai Santiago de Chile, caminda durante mas o menos un luna lo e sigui un curso di lider di sindicato. Na su salida for di Aruba pa exterior, caminda e lo keda cuater of seis siman, señor Eddy Maduro, a duna su opinion tocante di e conflicto actual entre Lago y IOWUA, cual conflicto e representante di CLASC na Aruba a cualifica como "absolutamente nada serio".

Ariba e pregunta si e ta kere cu e situacion actual di Lago y e union representando e trahadornan di e compania por bira mas serio, tumando tur e desaroyonan y intermediacionnan di otro organisacionan local y di afor, señor Maduro a duna su opinion como lo siguiente: "No tin absolutamente nada serio, directiva di Independent Oil Workers of Aruba te na e momento a actua legalmente. Nan proposicion na Lago pa no kita empleadonan durante e negociacionan, tambe ta completamente natural.

Pasobra normalmente ora cu tin negociacionan, tanto arriba tereno di syndicalismo, comercial y ta hasta politica, tur dos banda mester sinta contento y frankilo pa asina e negociacionan bira un exito pa tur dos banda. Den caso di I.O.W.U.A. na unda Lago no kier accepta e proposicion di e union, pasobra manera cu nan (Lago) ta bisa esey ta contra di nan principio, tur hende cu por mira un tiki mas leuw cu nan nanishi ta largo, no por considera Lago su contesta como un motibo bon funda of concreto.

Compronde bon cu I.O.W.U.A. ningun momento no a exigí Lago di no kita empleadonan mas, pero symplemente pa no retira trahadornan durante e negociacionan y esaki no ta un exigencia absurdo ni tampoco algu nobo, pasobra normalmente den caso di conflicto, ora cu un mediador di gobierno mester cai aden, na promer lugar y automaticamente e mediador ta aplica e temporada di "cooling-off" (90 dia). Den e periodo aki segun ley Lago no por retira trahadornan tampoco no por welga. (strike), esey ta un garantia cu nos ley ta duna nos pa tur dos banda, pa asina negociacion bai cu tranquilidad y paz, presisamente segun I.O.W.U.A. a pidi. Señor Maduro ta sigui bisa: "Siguramente mi opinion ta mescos

cu e opinion di henter mundo democratico, cu tin respet pa dignidad humano y cu sintimento cristiano. Nos no por kier y no kier Lago malo tampoco ningun momento, pasobra sigur sigur Lago tabata y ta un bendicion pa henter e comunidad Arubano. Di otro banda e comunidad Arubano tabata y ta un bendicion pa Lago, mi ta sigur cu un poco di buena fe mas y un poco di sintimento humano di banda di Lago, tur cos lo keda regla, satisfactoriamente tanto pa Lago, I.O.W.U.A., autoridad y henter comunidad", esaki segun un declaracion di señor Maduro, representante di CLASC na Aruba, en cuestion cu e actual conflicto entre Lago y I.O.W.U.A.

Segun directiva di Lago ultimamente a declara den un "memo to management", un publicacion interno pa mas o menos 500 miembro di personal cu ta den puesto halto, e directiva di Independent Oil Workers Union of Aruba a bisa, cu si e actual referendum pa afiliacion bai favorable, despues un di dos referendum lo worde teni pa hanja sabi kiko ta e sentimento di e miembronan si mester tene un huelga. Mientras cu e directiva di Lago ta masha preocupa door di e desaroyo actual, otronan cu ta envolvi den e caso alcontrario no ta asina preocupa.

En relacion cu esaki algun insidernan a declara cu tal referendum pa huelga ta algo normal serca bondnan cu ta afilia internacionalmente. Ora cu e deliberacionan tocante di un CCT nobo cuminsa, ya di antemano ta worde trata pa hanja aprobacion di e miembronan pa un huelga eventualmente. Ora cu nan hanja tal acuerdo, e posicion di e union naturalmente ta mas fuerte na mesa di deliberacion. E ora ta hanja e situacion cu un deliberacion amistoso ta worde teni, na unda un di e partida-

nan a hinka e cuchu den mesa. Segun e "memo" ta sigui declara, a worde declara for di banda di IOWUA cu si nan huelga esaki lo no ta unicamente pa stop e lay-off durante e deliberacionan. E punto arriba cual e deliberacionan a tranka, como cu Lago no kier accepta e exhiencia di e union; pero tambe pa 40 ora di siman cu mantencion di mes salario, mas vacation, mihor arreglo di pensioen mihor premio, un suma mas grandi pa lay-off, yudanza di Lago pa establece un compania propio di seguro, e reglamentu di e lay-off etc. alavez e declaracion aki di IOWUA a causa sorpresa den algun circunon, como cu anteriormente e presidente di e union señor Frans Lodewijk Maduro a bisa, cu union ya lo ta contento si nan logra algun punto di nan exhiencianan pa e CCT nobo.

Ariba e declaracion di Union, cu Lago ta torpeda e deliberacionan, e "memo" ta bisa cu na tur momento Lago ta di acuerdo pa yuda busca un manera pa continua cu e deliberacionan. Un proposicion di Lago pa nombra un comision di dos persona for di tur dos partinan pa busca un manera pa trece contact atrobe entre e dos gruponan, a worde nenga door di IOWUA. Segun e "memo" e union a bisa: "kita lay-off promer mientras cu nos ta delibera, despues nos kier papia".

Un otro exhiencia segun "memo" cual a worde haci door di IOWUA en relacion cu e CCT ta cu nan ta exhi cu ora cu e CCT ta regla e ta valido entrante dia tres di december 1963, dia cu e CCT bleuw a caduca. Lago no ta di acuerdo cu esaki, lo mas cu e kier haci ta e CCT nobo lo ta valido pa esnan cu despues di tres di december aña pasa a hanja nan lay-off.

Publicacion den Amigoe di Corsow, cu ta bisa cu mr. Frank Hartong siman pasa tabata na

Venezuela pa contact cu lidernan di union ayanan en cuestion cu e conflicto entre Lago y IOWUA, entretanto a resulta di ta mentira cu a worde chupa for di dede grandi.

En berdad Sr. Hartong tabata cuater dia na Venezuela, pero cu vacation. E ta nenga rotundamente cu el a tuma contact cu cuakier figura di sindicato na Venezuela. El a mete cu e cuestion aki te despues cu el a bolbe diabierne for di Venezuela na Corsow. E ora el a ser yama cerca ministro C.D. Kroon, cu kende el a delibera e cuestion di Lago y IOWUA.

Diasabra despues cu mr. Hartong a bolbe Aruba el a papia tambe cu señor C.H. Whitfield, presidente di camara di comercio di Aruba, cual organisacion ultimamente a duna di conoce cu nan kier duna nan intermediacion, tambe el a papia cu e presidente di Lago W.A. Murray y e presidente di IOWUA Frans Lodewijk Maduro. Segun

FATUM - Tel: 1845
pa tur bo aseguronan

circulo nan masha envolvi den e caso aki, ta parse cu e intermediacion di e intermediador di land lo no ta necesario. Parse cu tur e partidanan ta di opinion cu na e momento aki no tin ningun cuestion di un conflicto segun ley di Antillas den cuestion di trabao. No mucho dia pasa señor Maduro a bisa cu e "conflicto no ta asina serio alnda cu nos ta pensa di huelga". Segun a worde muestra claramente, union kier investiga cu e referendum tocante di huelga, con e miembronan ta pensa di esaki, ora cu tal medida lo ta necesario. Segun circulanon ya menciona ta mas mihor tambe si e intermediador di gobiernoworde teni mas tanto afor di esaki cu ta por sel. Asina cu esaki intermedia no ta posibel mas pa trece e partidanan hunto via camindanan informal.

Fuera di señor Eddy Maduro di CLASC, otro gruponan no sindical cu ta sigui e desaroyo di e acontecimiento aki di masha aserca, tin e opinion cu e exhiencia di e union ta algo normal, apesar cu nan si tin comprendemento pa e punto di bista di Lago; e miedo di e compania cu despues cu nan a haci e promesa pa stop e lay-off durante deliberacionan, IOWUA lo rek e deliberacionan tanto posibel. Pero e gruponan aki ta di opinion cu e punto di bista di e dos partidanan ta menos leuw di otro cu hopi hende ta kere. Parse cu e comision di bon servicio di Camara di Comercio lo tin bon oportunidad di trece un solucion si nan busca den e direccion di cu e deli-



SABOR CU NUNCA TA VARIA
IT NEVER VARIES.

Jaycees a eligi directiva nobo

ORANJESTAD, 17 Feb. - Fin di siman pasa e miembronan di Junior Chamber of Commerce of Aruba a eligi un directiva nobo.

E puesto di presidente a pasa for di mr. P. V. Sjiem Fat pa señor Pedro Jacobo Geerman. E otro miembronan di directiva ta promer vice-presidente Randolph Mitchell, segundo vicepresidente Jacinto Franken, secretario Rufo T. de Cuba, tesoro Elio Oduber y senjornan Francisco Diaz, Frederic C. Winklaar, Ulrich Latham y Vicente Kock. E presidente mundial di Jaycees, señor Conrad E. O'Brien, kende na e momento ta haciendo un bishita na e club, tabata presente na e reunion cu a tuma lugar den Centro Cultural.

H. BAHLINGEN A GANA PREMIO

SAN NICOLAS, 17 Feb. - E ideanan cu a gana premio na luna di December 1963 a worde valua door di e Comitee di Coin Your Ideas di Lago cu un suma di Fl. 665,-.

E premio di mas grandi di esaki a bai pa señor H. Bahlingen cu a gana fl. 425,- cu su idea.

Concurso pa nomber di Hotel Kozloff-Jones



ORANJESTAD, 17 Feb. - E planan di e explotante-nan di casino Jake Kozloff y Cliff Jones, e dos Mericanonan kende nan tambe ta explota e casino di Aruba Caribbean Hotel, pa traha un hotel entre Basi Ruti y e hotel ya menciona completamente cu propio capital te ainda ta mes berdad cu ariba dia 24 di Mei 1962, ora cu pa di promer biaha nos a scirbi tocante esaki. Senyor Kozloff kende a sigura nos esaki ta yen di bon speranza cu e hotel lo por worde usa e temporada venidero, pero te ainda e no sabi con lo e yame.

Manera nos a anuncia anteriormente caba senjornan Kozloff y Jones tin plan pa traha un hotel basta grandi, pero no luoso entre Aruba Caribbean Hotel y Basi Ruti. Esaki e oralo worde construl den dos parti: promer un lugar di estadia cu unicamente cambernan cu un bar y coffee-shop pega cu caminda y mas despues entre e edificio aki y e beach algun edificio mas, den cual fuera di cambernan lo tin un nightclub y un sala di come etc. Segun senyor Kozloff a declara na nos e preparacion pa e plan di hotel a tuma mas tempo cu el a spera.

Awor e ta spera cu e promer parti di e proyecto aki por worde destaja na luna di maart. E edificio aki cu 120 camber segun e e ora mester ta cla dia 15 di December di e anja aki. E tin confianza cu e construccion por tuma lugar den nueve luna, como cu na promer lugar e proyecto aki sin clubnan, lobbie etc. ta mas facil cu normalmente un otro hotel. Alavez awor nan tin na Aruba mas experiencia cu trahamento di hotel cu tempo cu nan a cuminsa cu Aruba Caribbean Hotel.

E di dos parti di e hotel ta sigul despues. Ki tempo esey lo ta senyor Kozloff no por a bisa ainda. E plannan di senjornan Kozloff y Jones pa traha e hotel pues ta completamente comercial. Mas hotel, mas turista, mas hende pa hunga den casino.

E nomber pa e hotel nobo ta un problema ainda. "Palm Beach Hotel", lo ta algo cu ta pas como cu e asociacion di senjornan Kozloff y Jones ta carga e nomber di "Palm Beach Hotel Inc. Pero sin embargo senyor Kozloff no ta satisfecho cu e nomber aki y cu gusto lo e kier a hanja un nomber cu ta zona mas Arubiano. Pese y tin pensa pa na su debito tempo lanza un concurso pa hanja un bon nomber y adecuado. En cuestion cu e Aruba Carib-

bean Hotel-Casino te ainda no a tuma un cambio den e plan pa tene e destajo di e extension di e hotel na fin di maart. Despues di e extension aki Aruba Caribbean Hotel lo tin 200 camber y algun cabana.

Gran interes pa apertura Titi Davelaar Corporation

Oranjestad, 17 Febr. - Recientemente a tuma lugar habrimento di Titi Davelaar Corporation, agencia pa productonan di Firestone. Pa e ocasion aki tabata na nos isla señor Russel Lobdell, representante especial di Firestone. A reina gran interes pa e apertura di e negoshi di senyor O.R. Davelaar, entre otro nos a mira Su Excelencia Ministro E. Petrona y su señora, sr.

Nicolas Pifa Lampe di Servicio Informativo Insular, presidente di Camara di Comercio sr. Whitfield, Pastoor Erkamp, Frere Johan representante Huize La Salle, sr. E.J. v.d. Kuip, veterinario, dr. J.E.M. Arends, sr. S.H. Tjon Ajong, officier van justitie, varios comerciantenan local, ex-coleganan di trabao, familiares, amigos y conocirnan.

Sr. Deputado Jossy Tromp, kende pa motibo di biaha ariba man no por a asisti na e recepcion a encarga sr. Nicolas Pifa pa representante, kende a dirigi palabranan di felicitacion y bon deseonan na sr. Davelaar. El a bisa entre otro cu progreso di un lugar no ta depende exclusivamente di empresanan grandi, pero tambe di empresanan chikito y util. Especialmente e

tabatin palabranan di elogio pa sr. Titi Davelaar, kende a dedica gran parti di su bida y su experiencia na un otro empresa local den mesun ramo aki, y di tal manera merece e bon deseonan pa exito den su negoshi, awor cu e tin oportunidad pa haci uso di e experiencia aki pa e mes empresa. Despues di esaki e presentenan por a gosa di un pelicula cu e



R. E. Nystrom

E vice-president nobo di Lago El a cuminsa cu su trabao na Lago dia 3 di Februari y tin mas cu 25 anja di experiencia den industria di azeta.

Ds. J. Mietes a tuma despedida

ORANJESTAD, 17 Feb. - Ayera ds. J. Mietes for di Corsow, cu pronto ta bai cu emeritaat pa Hulanda, a tuma despedida di e comunidad di Aruba. Mainta el a predicar na Oranjestad y atardi den e iglesia nobo na San Nicolas. Un bunita predicashi basa ariba pasashi di Judas, den e storia di e ultimo cena, manera scirbi den e evangellonan di Mateo y Juan, tabata e punto ariba cual su predicashi tabata basa e mainta. Na fin di e predicashi, e comunidad a canta "Cu bendicion di Senyor baha ariba bo". Despues di e sirbishi e comunidad a hanja oportunidad di tuma despedida di D.S. Mietes y su senjora. Como regalo di e comunidad e pareha a hanja un mesa di kwihl.

Bishita corticu di Dr. Ferrier

ORANJESTAD, 17 Feb. - Ayera nochi a sali for di Aruba despues di un bishita di tres dia cerca su ruman Edward Ferrier, dr. Johan Ferrier, mas o menos seis anja pasa premier di Surinam. Dr. Ferrier cu despues di su puesto di ministro den servicio di Reinado awor tin un posicion na Ministerio di Enseyanza di Arte y Ciencia na Den Haag.

Practicamente tur dia nos ta ricibi un lote nobo di

BISTIR PA DAMAS

den tur prijs y pa tur ocasion

Tambe

TAS, SAPATU, SOMBRE etc.

den un coleccion masha precioso

La Linda

BO TIENDA DI CONFIANZA



TA BUSCA PA CUMPRUN CAS CHIKITO

den becindario di San Nicolas of den San Nicolas mes.

Sea asina bon di manda number, direccion y prijs di e cas na Arubaanse Courant bao number - - X-222' - .

Proposicion di cas sin prijs no ta worde acepta y nos lo no contesta ariba nan.

GRADICIMIENTO

Pa medio di esaki nos kier gradici tur familia y conocirnan cu di un manera of otro a muestra nan atencion durante morto y entierro di nos querido y inolvidable yiu

PABLO LAMPE

Particularmente nos kier gradici dokter Harting, Pastoor Kraanwinkel, Pastoor Leeuwenberg, soeurnan y verpleegsternan di San Pedro Hospital, directie di N.E.N. y e dos amigonan cu tabata presente na e momento di e accidente lamentable.

Su mama y tata Willem Lampe Bloemond nr. 6.

Rx

BOTICA ARUBA
Personal competente
+ Maquinaria moderna
= Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

representante di Firestone sr. Lobdell a trece especialmente pa e ocasion aki, cual pelicula a cai tanto na agrado di tur cu ariba peticion e lo worde ripiti dialuna nochi (esta awe nochi) tambe pa esnan cu no por a sisti na e apertura siman pasa.

Varios telegram y flornan tabata testigo di e gran interes cu tabatin pa e habrimento dje negoshi di sr. O.R. Davelaar. Pa no lubida ningun di e nombrenan nos no ta menciona nan individual. E recepcion cu mester a caba pa 7'or di anochi, a dura casi dos ora mas laat, na unda e presentenan a hanja nan bon sirbi cu drinks y bocadilla. Un biaha mas "Arubaanse Courant" kier agrega su felicitacion y mehor deseonan na e cantidadnan cu Titi a ricibi caba.

SHOE REPAIRS

CHARLES BAARH JR.

servicio rapido y competente. Nos experiencia ta bo garantia.
adres:
Zandstr. No. 3 O'Stad (banda di Zepp Wever)

Jubilaro di plata cerca Lago

SAN NICOLAS, 17 Feb. - Ultimamente un grupo di 17 empleado di Lago a ricibi for di man di directiva di Lago un holoshi pa motivo di servicio durante 25 anja. Tabata senjornan M.K. Rohoman, G.S. de Nobrega, P.H. Ferrol, F.R. Rebout, W. Prime, V.L.O. van Windt, A. A. Tromp, M. Korsen, J.A.O. Harewood, W.H. Arndell, G.I. Brown, J. Fernandes-Pedra H.H. Garig, A.J. Herrera, E.C. Hewitt y I.J. Statia. Dia promer di Feb. senyor W.W. Flanders a tuma pension cu 23 anja di servicio.

MERCA LO INTERVENI SI TIN. ACCION MILITAR NA CHIPRE

ATHENA 17 Feb. - Segun informacionnan for di fuente diplomatico e comandancia supremo di Merca a laga tantu Grecia como Turquía sa, cu e sexta flota Mericana lo interveni pa evita cualquier iniciativa militar for di exterior.

Segun noticianan anterior no confirma cu a worde ricibi na Ankara Turquía a dicidi pa utiliza su derecho di intervencion na Chipre, pero riba peticion di e segundo minister Mericano di Exterior, George Ball, a suspende su intervencion pa 48 ora.

E comandante supremo di forsan armá Griego a tuma algun medida nobo ayera nochi, asina ta worde informa di fuente Fidedigno.

Algun unidad militar a worde consigna y ta den alto estado di prontitud.

Un portavoz militar Ingles abisa, cu den e territorio di Ktima, banda di Paphos (Chippre Occidental) tabatin un titoteo. Tambe tabatin un explosion den e mesun territorio. Actualmente tin un compania di paracaidistanan Ingles den e territorio.

Noticianan no oficial for di Iskanderun (Sureste di Turquía) ta anuncia cu na Iskanderun y na Mersin, pega cu e ciudad ey, truhanan a embarca a bordo di bapornan di marina, desues di cual e bapornan a sali. Segun noticianan e bapornan ta pera riba ordenan pa un even-

tual desembarque riba Chipre a base di e derechonan Turco di intervencion.

E stafchef di e forsanan militar Turco a ninga, cu e truhanan a sali pa Chipre. El a bisa cu e truhanan Turco ta haciendo ehercicio den e territorio ey.

Segun ultimo noticianan, minister Ball a garantisa gobierno Turco di participacion di Merca na un intervencion di un potencia militar mixto.

Inglaterra a pidi un reunion urgente di e conseho di seguridad di Nacionnan Uni pa atende e problemanan urgente cu a presenta door cu e situacion na Chipre a peora.

Den e peticion, haci por escrito, cu a worde entrega pa e representante Ingles serca Nacionnan Uni na e president di e conseho di seguridad, ta worde bisa segun un declaracion oficial di e

ministerio Ingles di exterior, cu conseho di seguridad ta worde invita pa tuma e medidaman adecua pa percura cu e situacion peligrosa cu ta reina actualmente ta worde solucionada, respetando completamente e derechonan y responsabilidadnan di ambos comunidad Chipriota, gobierno di Chipre y e parti di gobierno Ingles den e acuerdo di garantia.

Grecia a pidi secretario general Oe Thant pa duna su bon servicionan pa yuda solucion a crisis rond Chipre, asina a worde participa di fuente autorisa na Atena.

Parce cu Oe Thant lo mester yuda pa yega na un acuerdo tocante e potencia di paz riba e isla y riba termino largu, un arreglo pacifico di e kestion Chipre.

Segun un portavoz diplomatico na Atena e paso Griego a worde ricibi cu comprension serca e gobiernonan Mericano e Ingles, pero Turquía a resisti contra, ya cu e no quier ningun intervencion di Nacionnan Uni.



AWOR MAS
ECONOMICO!

SOPA Continental
de Pollo y Fideos



AWOR

2 PAKI
Den Cada
Cahita

MAS ECONOMICO!
MAS CONVENIENTE!

Aruba Trading Company

"Aruba Nostra" ta hanja yudanza di Rockefeller Foundation na Merca

Oranjestad, 17 Febr. - Ayera mainta un grupo di e directiva di e Stichting Aruba Nostra cual ultimamente a worde funda a haci un bishita na e cuebanan di Fontein pa investiga ayanan te na unda y con ta posibel pa proteha e pinturanan di Indianan na e murayanan di e cueva. Nan tabata acompaña di un experto kende a ofrece su bon servicionan. E Rockefeller Foundation di Merca a laga sabi di ta di acuerdo pa duna e fondonan necesario pa proteccion di e dibujonan di Indianan contra di desaparecimento y vandalismo.

E directiva di "Aruba Nostra" cu ultimamente a worde funda pa proteha e cultura y naturaleza cu Aruba ta posee, ta masha contento cu e oferta di Rockefeller Foundation. Entre tanto "Aruba Nostra" ta masha activo cu preparacion di diferente programanan, apesar cu e personanan cu no ta den e organizacion mes no ta prepara nada, sin embargo e directiva di e organizacion menciona ta trahando duro pa realisa un di e plannan di mas importante di e organizacion cual ta un "Siman Aruba Nostra", cu probablemente lo worde teni na luna di mei venidero.

Durante e siman ey entre otro lo tin un exhibicion di loke a worde descubri ariba tereno di naturaleza y cultural di Aruba.

E exhibicion aki cu lo worde inaugura den Centro Cultural, mas después lo bai den e distritonan afor tambe, especialmente pa duna e muchanan di school e oportunidad pa presencia e exhibicion. Na e momento e stichting ta haciendo un inventario di loke por tin na Aruba ariba tereno di cultura y naturaleza cu ta den posesion di particularnan. Ta wor-

de trata pa pone mas tanto di esaki na e exposicion.

Door di organisa "Siman Aruba Nostra" e organizacion ta spera di hala atencion di henter e comunidad ariba su intencionan y actividadnan, asina cu e speranza cu particularnan y casnan comercial lo bira donateur di e organizacion.

E directiva di e organizacion na e momento ta buscando un edificio cu por worde usa como un museo cu e organizacion kier funda. Ya CCA a participa di tin un feudo, cu a worde forma pa e mes un doel, y cu na su debido tempo lo worde entrega na Aruba Nostra asina cu tin plannan mas concreto pa e museo Arubano.

CUIDAD DE MEJICO, 15 Feb. - President Lopez Mateos di Mexico y president Johnson di Merca lo delibera dia 21 y 22 di Feb. proximo na Palm Springs na California, segun un anuncio dje ministerio Mejicano di asuntunan exterior. Despues dje deliberacionnan, pa cua nan no a forma ningun agenda, lo worde publica den un comunicado.

CATCHUP DI LIBBY'S, TA DUNA TUR CUMINDA

MIHOR SMAAK!

E catchup cu e sabor maximo.



E ta bonbini cu tur clase di cuminda. Traha cu tomata grandi, delicioso y hecho, hunto cu e cantidad exacto di specerij, Catchup LIBBY'S ta duna tur cuminda mihor smaak. Sea hamburgers, hotdogs, webo, batata hasa, sauce di a la parilla, sauce pa salada, of loque bo ta preferá.

Si bo na purba catchup di LIBBY'S ainda,
Cumpra un botter awe. Purbo y lo bo nota e diferencia.
N.V. Winkel's Handel Mij.



Ayera mainta Ds. J. Mietes y su señora a tuma despedida di e comunidad Protestante di Oranjestad, despues di mas cu 20 año di trabao na e islanan di Antillas. Aki nos ta mira e pareha den combersacion cu dos di e domineenan di e comunidad protestante di Aruba. D.r.p.d. Ds. A. Jakobs, Ds. J. Mietes cu su señora y Ds. J. Visser.

O'stad Little League oficialmente inaugura

(Di Nos Redactor Deportivo)

Oranjestad, 17 Febr. - Ayera mainta a tuma lugar den Wilhelminastadion e inauguracion oficial di e temporada 1964 di Oranjestad Little League. Cu un ceremonia cu e anja aki a worde alegre cu e pimentoso drumband di Nederlandse Padvinders Vereniging bao di direccion di Sr. Isidora, atrobe Oranjestad Little League a habri su campeonato manera debe ser. Tabata tin defile di e teamnan participante, discurso di e vice-president di e Liga, huramento deportivo, hisamento di bandera y tocamento di Wilhelmus.

E defile guia door di e miembro di directiva Lobo Ridderstap, tabata encabesa door di e drumband ya menciona, luego e Reina di Deporte Srta. Doris Habibe hunto cu vice-president di O.L.L. Harold Harms y presidente di A.S.U. Tico Kuiperi y algun miembro mas di directiva di O.L.L.

Luego di e 12 teamnan participante a forma resto di e fila. Equiponan cu a camna ta American Legion, Libby's, O So Grape, Wrigley P.K.2, Aruba Lions, Aruba Rotary, Aruba Caribbean Hotel, Nutricia, Viana's, Super Cleaning y U.S. Keds.

Maestro di ceremonia Janchi Tromp tabata indica cada un di e partinan di e programa di apertura. Despues di e hisamento di e bandera di O.L.L. y huramento deportivo haci door di e hungador inscribi mas hoben pa e campeonato Erwin Jozef Jacobs di O So Grape, palabra a worde dirigi door di e vice-

president di O.L. Harold Harms, kende a cuminsa gradicendo tur cu ta dunando un man pa realisa e campeonato di Little League e anja aki atrobe Tur Comerciante cu ta apoya e deporte aki a ricibi especial palabra di gratitud. Y na e hungadornan e vice-president a desea hopi suerte y cu nan tur lo sabi di comporta nan mes tur ora correcta mente manera verdadero deportista.

Despues cu palabra a worde dirigi door di e Reina di Deporte tambe a haci uso di palabra e presidente di A.S.U. Ambos a expresa satisfaccion di por tuma parti na e importante apertura di un campeonato mas di baseball infantil. Com importante e campeonatonan aki ta pa deporte en general ariba Aruba y baseball en especial ta algo cu no tin mester di mas splicacion.

Ora cu e discursonan aki a termina e dos campeonan di anja pasa O So Grape y American

Legion a enfrenta otro den un partido amistoso pa cual e promer bala a worde lanza door di e Reina di Deporte Srta. Doris Habibe.

E partido amistoso a worde gana door di O So Grape. Durante e weekend venidero e promer partidonan valido pa e campeonato lo worde hunga. Ariba diasabra atardi y diadomingo mainta e weganan lo worde hunga riba diferente tereno den e diferente districtonan.

E equipo di Pepsi Cola, cu originalmente a worde anuncia pa ta forma door di hungadornan di Socotoró, a cambia pa Paradera.



Aki un bista di e celebracion di carnaval na Hulanda cu a hala hopi turista.

Tony Martin klercas na Aruba, pero ...

PALM BEACH, 17 Feb. - E conocido cantante Mericano Tony Martin, kende na e momento ta actua den Klompen Klub di Aru-

ba Caribbean Hotel-Casino Diabierne a declara di tin gusto di laga traha un propio cas na Aruba. "Pero e ora mester bin un bon golfveld promer", segun e cantante, kende a gusta e isla aki masha y cu no ta dilata pa bisa e saki na kende cu kier tende.

BEKENDMAKING

Het CENTRAAL CARNAVAL COMITE ARUBA maakt hierbij bekend, dat de eer om "Miss Aruba" officieel als prijs op haar reis naar Pto Rico te vergezellen voor de eerste maal te beurt gevallen is aan de Amigoe di Aruba als Pers en aan Voz di Aruba als Radio voor hun uitmuntende medewerking, verleend aan ARUBA's 10e CARNAVAL, hetgeen ook duidelijk door onze voorzitter tijdens de prijsuitreiking werd medegedeeld: ONDER MEDEWERKING WORDT DOOR ONS VEEL MEER DAN REPORTAGE ALLEEN VERSTAAN: Aan de Overheid, Handel, Organisaties, Hotels, Clubs, Pers, Radio en Televisie en in het algemeen aan de gehele Bevolking van Aruba MASHA DANKI voor de ondervonden medewerking, waardoor Carnaval dit jaar grootser dan ooit te voren gevierd werd:

Masha danki:
CENTRAAL CARNAVAL COMITE ARUBA 1964.
Aruba, 14 Februari 1964.

Estrella a supera Jong Aruba 4-1

(Di Nos Redactor Deportivo)

Oranjestad, 17 Febr. - Den Wilhelminastadion diasabra anochi Estrella a obtene su victoria number seis di e campeonato di hoofdklasse derrotando e muchanan di Noord, Jong Aruba, cu score di 4 gol pa 1.

E cuatro anotacionnan di Estrella a worde haci door di Cando Wernet, Da Croes, mientras cu Aiky Croes a tuma e ultimo dosnan pa su cuenta. E unico tanto di Jong Aruba tabata un producto di Cecilio Farro. Cu e triunfo number seis aki Estrella tin awor total di 13 punto, loke ta pone nan den e tercer puesto cu un punto bao di R.C.A. y tres bao di e lidernan di Dakota.

Pa Jong Aruba esaki ta nan partido number 10 y derrotanan number seis. Nan tin awor total di 7 punto.

Puestonan directiva di A.S.B. reparti

Oranjestad, 17 Febr. - E directiva di Aruba Softball Bond, despues di su reunion general anual teni algun siman pasa, a reparti e puestonan na ediferente miembronan di directiva. Presidente eligi ta Francisco Rincones, vice-presidente abira Jose Perez, promer secretario Horacio Oduber, segundo secretario John Mansur, tesorero Hendrik Wever y comisarionan Francisco Chirino y Bernardo Croes.

DEPARTEMENT VAN ONDERWIJS

De inspecteur van het Onderwijs brengt ter kennis, dat zij, die in het jaar 1964 examen wensen af te leggen ter verkrijging van het diploma BOUWKUNDIG OPZICHTER B.N.A., zich daartoe SCHRIFTELIJK kunnen opgeven bij het Departement van Onderwijs, Curacao, VOOR 26 FEBRUARI A.S.

De Inspecteur van het Onderwijs,

UN CONSEHO FRANCO

PROME CU BO TUMA UN DESICION CUAL TELEVISOR BO TA BAI CUMpra, HACI NOS UN BISHITA SIN NINGUN COMPROMISO.

Weita nos modelonan di mesa y console di e famoso marcanan



ERRES

den diferente prijs, condicionnan facil di pago, y 15% descuento pa compras CASH

MARCONI PHONE RADIO SALES & SERVICE

San Nicolaas

Tel. 5325



Diabierne mainta a tuma lugar na oficina di Bestuurscollege na Oranjestad, firmamento di un contract entre ELMAR y Gobierno di Aruba. E contract ta pa entregamento di corriente door di Gobierno na ELMAR y cumpramento di corriente for di Gobierno door di ELMAR. E contract a worde firma door di Ir. F. Looman na nomber di ELMAR y gezaghebber interino I.S. De Cuba na nomber di Gobierno di Aruba. E potret ta mustra nos di robes pa drechi, diputado G.A. Oduber, Ir. F. Looman y gezaghebber interino I. S. De Cuba na firmamento di e contract.



GOLD LABEL

Rum

Rey de Copas

ARUBA DISTILLING COMPANY N.V.

PRODUCT

OF ARUBA

700 cc


80 PROOF



Embotellado por ARUBA DISTILLING CO. ARUBA N.A.



REY DE COPAS ta pertenece na e mehor momen'onan den bo bida. Ademas e ta traha, pa perfeccionanan den sabor! Cu ijs? Cu soda? Cu limonada? Straight ariba ijs? Selecta esun cu bo kier, y savoria e delicioso **RON REY DE COPAS**, brindele na bo amiganan y amigonan.



Y corda sigui spaar botternan bashi di e delicioso y sabroso

RON REY DE COPAS, pa participa den nos proximo concurso

cu ta mas sensacional, y mas formidabel, cu yen di sorpresas!



REY DE COPAS

ARUBA DISTILLING COMPANY

Wilhelminastraat 47

Tel. 1266



SUPERMERCADONAN LA ESPERANZA TABATIN UN BON ANJA

ORANJESTAD, 17 Feb. - Manera custumber tur anja La Esperanza ta tene su reunion general pa tur accionistanan. Diadomingo mainta den Sociedad Bolivariano relato anual di anja 1963 a worde duna na e accionistanan. Sr. Elogio Wever kende awor a worde nombra president director di La Esperanza a habri e reunion aki, dunando e presentenan un bon bini.

El a duna un splicacion detalladamente con e desarrollo di e supermercadonan di La Esperanza tabata durante anja 1963. Despues el a propone pa nombra senyor - Bergen y sr. Frans Wever como director di La Esperanza.

Unanimemente e accionistanan a accepta e proposicion aki. Sr. Wever durante su relato a menciona algun dje gastonan y volumenan di e diferente postnan den boeki y pa hanja un idea el a in-

forma cu aña pasa La Esperanza a paga na corriente fls. 37.284,58 na telefon y telegramanan fl. 3.-286,30, na A.O.V.-ziekteverzekering fl. 9.238,82, na gasolin y mantencion di autonaa fl. 24.350,91, na gastonan di propaganda fl.-14.905,50. Esakinan ta algun di e hopi gastonan cu tin den e supermercadonan aki, pa no menciona ainda salarionan di tur empleado-nan etc. etc.

Despues di e discurso di sr. E. Wever, sr. Bergen a bisa cu e ta spera masha hopi progreso pa e supermercadonan aki den anjanan venidero. Diferente accionistanan entre otro sr. Farro a tuma palabra y a apoya tur e accionistanan y pueblo en general pa sigul coopera cu La Esperanza pa asina La Esperanza por sigul baha prijs di su articulonnan mas ainda. E anja aki La Esperanza lo reparti un ganashi di ocho por ciento.

Nos kier probecha dje oportunidad pa felicita srs. Elogio Wever cu su nombramento como president director y senjores - Frans Wever y Bergen cu nan nombramento como director di La Esperanza N.V.

a bai mas leuw cu e ruina, awor un bunita caminda a worde construi cu ta pasa banda di costa, cu ta sigul te na e boca ariba un cien meter mas leuw, pasa su tras y ta termina na e tereno cera na e otro banda di e boca. Esey ta e lugar cu Reynolds a hanja na erfpacht via di su relacion Arubano Petrona & Croes y caminda pronto pruebanan di corrosion cu productonan di aluminium lo worde teni. Awa, salo, blento, solo y zwafel cu ta den aire ta haci e lugar aki ideal pa frustamento. Medio Maart ta yega Aruba senyor Z. L. Vance di Reynolds, cu lo por prepara e uso di e stacion di prueba.

Si e pruebanan resulta favorable y publico laga e lugar cu sosiego (caminda no tin nada di mira), e no ta imposibel cu mas despues Reynolds loextende e stacion.

MUTACIONNAN SERCA ELMAR

Oranjestad, 17 Febr. - Na e momento aki ta tumando algun cambio den personal di Elmar. Ultimamente senyor W. van der Mark, hefe di departamento tecnico, a worde translada pa e empresa di Ogem na Corsow. Como hefe di servicio awor a worde nombra senyor J. Geurtsen. Alavez lo tuma puesto na fin di februari na Elmar, Ir. J. Persoon. Esaki pues ta nifica extencion di e staf di empresa.

PARTICIPACION

**Directiva di La Esperanza ta
participa pa medio di esaki, cu pa
anja 1963 un dividendo**

**lo worde paga di
8 PORCIENTO**

**Pagamento lo tuma lugar entrante
diahuebs 20 di februari 1964
na oficina di LA ESPERANZA N.V.
na Oranjestad**

**of na Aruba Commercial Bank y
Aruba Bank entregando e
certificado di di dividendo no 7**

**LA ESPERANZA N.V.
directiva**

Stacion di prueba di Reynolds na Bushiribana

Bushiribana, 17 Febr. - Como cu costa norte di Aruba probablemente ta e lugar di mas ideal na mundo pa formamento di rusto ariba metalnan, un di e fabricantenan Mericano di mas grandi di aluminium, esta Rey-

nolds Aluminium Company a laga reserva un pida baranca na Bushiribana pega cu lamar pa sirbi como stacion di prueba. Eynan pruebanan cu frustamento lo worde teni cu productonan di fabricanan di Reynolds.

E stacion di prueba ta un pida tereno no mucho grandi ensera door di un cura na unda por yega via di un caminda cual na e ruinan di oro na Bushiribana ta bira na man robbez. Mientras cu algun luna pasa no por

PARTICIPACION

**Pa medio di esaki ta un placer pa
participa cu du durante e ultimo
reunion pa accionistanan "A" di
LA ESPERANZA N.V.**

SENJOR A.R.S. BERGEN

**A worde nombra como
di nos sociedad.**

**E directiva actualmente ta worde
forma door di:**

Senyor E. Wever - president director

Senyor F. Wever - director

Senyor A.R.S. Bergen - director

**LA ESPERANZA N.V.
directiva**

Rusia ta desmenti basenan na Afrika

MOSCU, 15 Febr. - Ta para den un declaracion dje agencia noticiero Ruso Tass, cu Radio Moscu a anuncia, cu e noticianan tocante un tal construccion di un base militar ruso na Somalia

no tin ningun base y cu nan ta worde expande pa circulonnan Africanas cu ta enemigo di Rusia. Den e declaracion nan ta muestra en relacion cu esaki riba insinuacionnan di president di Malagasie, Tsiranana - cu segun e agencia di prensa - no ta d acuerdo cu realidad. E presidente segun "Tass", sin duda a worde enganja.



Na e firmamento di e contract entre ELMAR y Gobierno di Aruba Diabierne tabata presente d.r.p.d.: J. Eikelenboom, hefe di servicio di Desaroyo Economico. L.C.M. Kerstens, secretario di territorio insular di Aruba, diputado G.A. Oduber, Ir. F. Looman Director di ELMAR, gezaghebber interino I.S. De Cuba, M.J.H.M. van Baur Gauss Ing., sub director di CGEM na Rotterdam, diputado A. Falconi, W. van 't Sant, hefe di Servicio di Accountant y N. Piña Lampe hefe di Servicio Informativo di Gobierno.

AGENDA

ARUBAANSE COURANT
 diariamente cu excepcion di
 diadomingo
 subscripcion f. 3.25 pa luna
 edicion los 20 ct.
 edita pa:
 N.V. ARUBAANSE DRUKKERIJ
 - en UITGEVERS - en PUBLI-
 CITEITS MIJ.
 Imprimi na:
 N.V. DRUKKERIJ
 „DE STAD,”
 Telefoon 1116 Directiva y redac-
 cion, 2116 Anuncio y subscrip-
 cion.
 Directeur hoofdredacteur:
 D. Wolff.

POR CUMPRAR ARUBAANSE
 COURANT NA E SIGUIENTE
 LUGARNAN:
 NA ORANJESTAD:
 BOEKHANDEL MARISKA.
 PIET SODA FOUNTAIN.
 REFRESQUERIA INGRID.
 NA SAN NICOLAS:
 UNION STORE.

WIT-GELE KRUIS
 Oranjestad: Zr. Ewald
 San Nicolas: Zr. Perpetua
 Santa Cruz: Zr. Ludovic
BOTICANAN DI WARDA
 Oranjestad: Botica Oduber Tel:
 1780.
 San Nicolas: Botic San Lucas
 Tel: 5119



"Buscando amor di Mama"

Novela pa
Pancho Papa la Poncha Pi

No. 28
 Thesi ta sinti frieuw, maske cu
 e tempo no ta frieuw. Harold ta
 stimele.... pero e mes ta stima
 Harold? Mi ta haye simpatico
 y esey ta hopi caba. Esey ta su-
 ficiente pa forma un bon matri-
 monio... Mi mester dicidi awor,
 Thesi ta pensa. Mi ta skirbi
 cu mi lo casa cu ne. Mi mester
 stop di pensa... Y mi ta skir-
 bie cu nos mester casa pronto,
 mas pronto posibel... el lo sinti
 su mes masha felis, y ami... Ami
 tambe ta contento, pa bay biba
 otro lugar. Despues cu mi casa
 cu ne, lo mi lubida tur e cosnan
 aki masha facil... si, mihor mi
 casa cu ne. Thesi a caba di sali
 foy e bosque y el a keda para.
 El a keda mira e campanan y e
 cerronan y tambe e matanan
 cu tabata sin blachi ainda. Riba
 un di e cerronan tabata tin un
 cas chikito, un castillo chikito,
 e castillo di Hofen. Thesi a sinti
 con e rosea a bira pisá. Mi no
 por casa cu ne, e ta pensa, y
 el a serra su wowo. Mi no por
 casa cu ne, pasobra nunca lo
 mi por lubida loke a pasa akina.

CINE
 Dialuna 17 Febr.
 De Veer: 8.30 p.m. "La Celda
 Olviada" 18 J
 Rialto: 8.00 p.m. "The Young
 Lions" 18 J
 Principal: 8. p.m. "Ring-A-
 Ding-Rhythm" all
 Aurora: 8.00 p.m. "El Mundo
 de los Vampiros" 18 J
 Savaneta: 8.00 p.m. "Escape
 from Zahrain" all

TELE-A RUBA
 Dialuna 17 Febr.
 05.30 Cartoons
 06.00 Panorama Pan Ameri-
 cano
 06.30 Annie Oakley
 06.45 Papiamento Newscast Li-
 ve & Filmnews
 07.00 The Flintstones
 07.30 Informacion Amstel
 07.45 I Love Lucy
 08.15 Have Gun Will Travel
 08.45 Viana's Latest News
 09.00 Dutch Film
 10.00 Sign Off.

**RADIO CARACAS
 TELEVISION**
 8.45 Senderos de luz
 9.00 Caja con sorpresas
 9.30 Jardín de infancia
 10.00 Ingles por T.V.
 10.30 Cosas de mujeres
 11.15 Quien es quien en T.V.
 11.45 Novela
 12.00 Show de Saume
 13.00 Noticias
 13.05 Cont. Show de Saume
 13.15 NSe necesita una amiga
 13.35 Novela
 14.00 Punto y aparte
 14.30 Yo se lo vendo
 15.00 Estudio de Hector Mon-
 tenerde

15.15 Perfecta ama de casa
 15.45 Aventuras de Popeye y
 Yeyo
 16.15 Mejías y sus muchachos
 17.00 Busque su marca
 17.30 Velvet
 18.00 Patrulla fantasma
 19.00 El halcon negro
 19.30 El pequeño teatro
 20.00 El observador
 20.15 Camera candida
 20.45 Radio Rochela
 21.15 M-Squad
 22.45 Dick Powell
 23.35 Cine para todos

Cumpleaños



Awe dia 17 di februari ta cum-
 pli un aña mas di bida e gentil
 caballero Julio Cesar Gomez,
 felicitacion ta bini di su ma-
 ma, tata, rumanan, y demas fa-
 milia Peña, madrina Maria Croes,
 padrino na Sto. Domingo, y tur
 su amigo y amiganan y demas
 amistades.

Dia 13 di febr. a cumpli aña Pan-
 filio Harms, felicitacion ta bini
 di su mama Juliana, tata Jacob,
 li rumanan, wela Clemencia Ma-
 duro, tanta y omonan, primo y
 primanan, subrino y sobrinanan,
 madrina Leoncita, padrinoan -
 Prins Maduro y Cornes Noque-
 ra, amiga y amigonan y demas
 familia Harms, Thijsen, v/d Bie-
 zen y Stamper.

Dia 16 di febr. a cumpli aña
 di feliz matrimonial Señor Pau-
 lus Lacle y Viola Maduro; fel-
 citacion ta bini di parti di nan
 junan, Beti, Buchi, Rosa, Mar-
 garita, Rosimbo, Jan, rumanan,
 sobrino y sobrinanan, ihanan, tan-
 ta y omonan, prima y primo-
 nan, comer y compernan, cunja-
 nan, di Rita Kelly y demas fa-
 milia Lacle, Maduro, Briezen, -
 Croes, de Mey, Kelly, Henri-
 quez, Arends, Wintersdaal.

e ta muestra mas jong y mas bon
 tipo cu antes. "Si", e Conde
 a contesta, "mi mester admiti
 cu mi a bira un hende completa-
 mente otro. Mi ta sintimi masha
 bon aya banda, na un lugar com-
 pletamente stranjo y bonita".
 "Mi ta contento di tende esey
 Conde", Dr. Bergman a bisa.
 "Y ademas por mira cu bo
 a pasa bon. Y con ta bay cu bo
 yiu muher?". E Conde a sonrei.
 "Ingrid, e ta perfectamente
 bon. E ultimo examenacion na
 Arosa a demostra cu e conse-
 cuencianan di un inflamacion di
 su pulmon a worde vencé com-
 pletamente". "Mi mes lo bini
 serca bo pa mi mira Ingrid",
 Dr. Bergman a primintí. "Mi
 ta contento cu el a bira bon a-
 trobe, Y boso por a sali bon cu
 otro durante tur e tempo ey?".
 Conde Hofen a keda mira pen-
 sativo su dilanti. "Na cumin-
 samento tabata un poco difícil.
 Mi no tabata sa bon, com mi
 mester trata Ingrid, y e notabata
 sa con e mester comporta su mes
 cu mi. Den un palabra bisatabata
 un poco difícil. Pero mas despues
 nos a cuminsa custumbrá cu otro...
 y awor nos ta inseparable. Ingrid
 ta masha pegá na mi... y nunca
 mi tabata sa cu e ta asina agra-
 dable pa tin un mucha asina junto
 cu bo...". "Wel, wel", e dokter
 a bisa hariendo. "Bo sa cu mi
 ta masha contento cu nos a drecha

Solamente
TRANS CARIB
POR HIBABO
NEW YORK
PA UNICAMENTE
\$78.25
 (Basá riba prijs di un roundtrip di
 156 dollar. 50 cent).
 Prijs di un excursion „round trip cu Jet
 di San Juan Pa New York ta: increibell.....
 \$ 121,50. Y ta Trans Carib so por hiba-
 bo New York pa asina poco placa. Ade-
 mas Trans Carib ta extra rapido, e tin
 menos ruido. Su servicio excelente „5th
 Engine Fan Jet,, ta indispensable pa un
 bon blahe.
 Bula bai San Juan cu Trans Carib; tin
 cinco vuelo pa siman for di Ruba. Djey
 cambia pa un 5th Engine Fan Jet grandi:
 San Juan tin 4 vuelo pa dia. Denter di
 190 minuut lo bo ta na New York. Bisa
 bo agente di blahe cu bo ke bula Trans
 Carib!
 Of jama 2700 pa hasi reservacion.
TRANS CARIBBEAN LINEA
„FAN JET COE 5TH ENGINE,,
TRANS CARIBBEAN
 THE 5TH ENGINE FAN JETLINE

Pedro Nicolaas 30 anja na Lago

ORANJESTAD, 17 Feb. - Dias-
 bra tabata dia di fiesta pa senior
 Pedro D. Nicolaas, e obrero
 di 48 anja serca Process LOF
 na Lago.
 El a recorda e echo cu e ta 30
 anja den servicio di Lago. Sen-
 jor Nicolaas a cuminsa cu servi-
 cio serca Standard Oil of New
 Jersey ariba 26 Juni 1933 como
 bombero serca Esso Standard Oil
 of New Jersey ariba 26 Juni 19-
 33 como bombero serca Esso -
 Transportation Company. Des-

pues el a hanja trabao na Dining
 Hall, di unda el a bolbe pa lamar
 como kwartiermeester, despues
 el a bolbe na 1936 na Dining Hall,
 como waiter segunda klas. El a
 bira kelner y a tuma su retiro
 na 1938. Algun lunanan despues
 el a drenta servicio di Lago, na
 departamento di Process Lof, na
 unda el a subi di process helper
 D te assistent operator, su pue-
 sto actual.

school...e no ta haya Srta. Gun-
 den mas eyan". Conde Hofen
 su cara a bira palido. "Ta con
 mi ta haci kere esey dokter?"
 "Manera mi a bisabo, Conde",
 Dr. Bergman a contesta.

Y lagami bisabo berdad,
 Conde, mi ta kere, cu bo no ta
 completamente innocente den e
 sentido aki. "Conde Hofen a ke-
 da sintá manera clabá na e stoel.
 "Lo mi keda gradeci na bo,
 dokter, si bo por ta asina bon,
 pa aclara bo palabranan un po-
 co". E Conde a bisa poco ra-
 bia. Dr. Bergman a bolbe sintá
 na su lessenaar y a keda pen-
 sativo cu su pen. "Poco des-
 pues cu bo a bay, Conde, Srta.
 Gunden a pidi, pa nan trasladé
 na un otro school. Y mi ta pun-
 tra mi mes, si mi mester -
 considera esey como casualidad.
 Promé cu el a bay keda na cas-
 tillo di Hofen, nunca el a bisa
 nos cu e ta bay pidi tal cos".
 Dr. Bergman a goza con e ca-
 ra di e Conde a bira bleek.
 "E mes a pidi...?" "Si Con-
 de, y nan a duné tambe. Asina
 ta, cu Freiberg lo no mira e
 maestra di scholl ey por lo -
 pronto. Y loke ta duel mi ta
 pa Ingrid. Ta un golpi cu lo
 cay duro pé, pasobra e tabata
 masha pegá na e maestra ey.
 Srta. Gunden, tabata e unico per-
 sona cu no a worry, ora hende-
 nan tabata bisele cu e no mester
 hinca su culpa den asuntoan
 priva di e castillo Hofen. En
 realidad el a bringa pa Ingrid
 ora cu tur otro hende tabata a-
 takele, y é tabata eyan, ora
 cu tabata tin mester di dje,
 masha natural y manera cu ta
 asina mester ta, sin papia di
 más.

asina pa boso dos Conde. MI a
 hasi mi mes hopi biha reproche.
 Abo, dokter, pakiko?" "Si
 Conde, ami mes. Pasobra mi
 a ripara algo, cu entre abo y
 Ingrid no tabata bay mucho bon,
 y cu e mcha no ta desarollá
 su mes normal. Mi mester a
 tuma e conclusion, y mi mester
 a papia cu bo tocante esey. Pe-
 sey mi ta contento, cu maske
 mi no a hacié, toch tur cos
 a haya un bon final". Pa un
 rato tur dos a keda keto y tur
 dos tabata pensando riba e mesun
 cos: Cu no tabata falta mucho,
 of tur cos lo a fracasá. Den su
 mes pensamiento Conde Hofen
 ta bisa: "Mi no sa dokter, si
 tal combersacion e tempo ey
 lo tabata tin valor". Y e ta pensa
 cu e dokter lo conteste: "Pakiko
 no? mi tin e idea cu e palabranan
 brutal cu algun hende a bisa-
 bo, a cay bo masha bon". E
 Conde a sonrei un poco tímido.
 "Ingrid ta masha contento cu e
 por bay school atrobe...". Dr.
 Bergman a bay para dilanti e
 bentana y a keda mira pafó,
 mientras el a contesta. "Mi ta
 kere cu e alegría ey lo no dura
 hopi mas...". Conde Hofen a corre
 mira e dokter, e manera cu e
 dokter a bisa e palabranan ey
 a pone spanta un poco y e no a
 comprende kiko e kier meen.
 "Kiko bo kier meen dokter?"
 "Pasobra, ora cu e bolbe bay

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di

OFICINA MARITIMA DE ARUBA

TRANSPORTACION DI MERCANCIA Y MUDANZA TEL: 2664/1622.



DICK TRACY



WELGA GRANDI NA CHILI

SANTIAGO, 15 Febr. - Miles di ambtenaanan di gobierno a cuminsa un welga door di cual trafico ferroviario a worde practicamente paralisa. Tambe -- schoolnan, hospital, servicionan di haaf y trafico den ciudad a sufri di e welga.

Tabata e intencion pa e welga a worde tene general. E confederacion di sociedadnan di trabao a proclama e welga como protesta contra aplicacionnan di sueldo cu no a worde exigli, y cualnan a worde propone pa gobierno. Diferente trahadornan den diferente empresanan manera di belasting, servicio di awa, construccion, metal y industria di mina no a participa na e welga.

BANCO RIBA ZOLDER

NIJMEGEN, 15 Febr. - Un director di un fabrica na Nijmegen, cu en bes di pone e placa cu e ta spaar na banco a warda esaki den zolder, a cambia di idea foi cu dia cu el a duna un hoben di 14 anja permit pa piki corantnan bieu den zolder dje fabrica. E hoben, cu a haci un limpieza radical -- tambe a cohe e paki cu el ahanja den zolder.

Ora cu el a llega cas el a mira cu tabatin 14 papel di 100 y 30 di cien florin den dje. El a spanta asina tantu y a sconde e paki cu 17,000 florin Ulandes local ta 8,500 Florin Antillano bow di colchon di su cama. Akinan polis cu a ser llama pa e director a hanja e paki.

E hoben no a hanja Proces Verbaal.

Pa BOEKI „SONJO,, na spanjo y ingles cu interpretacion di number di suerte.....
..NICOLAAS STORE,,
Tel...5385 - San Nicolas

Merca no ta tuma medidanan contra comercio Cubano

WASHINGTON, 15 Febr. - Merca den e promer 9 lunanan di anja pasa e embarca mercancias pa un balar di 37 millon dollar pa Cuba, segun funcionarianan di gobierno a participa na Washington. Hopi dje entreganan tabata consisti di mercancias cu mester a wordu entrega como rescate pa presunan pe invacion di 1962 na Bahian de Cochinos na Cuba cu a fracasa. Den e mesun periodo aki Ulanda a exporta 9 millon dollar di mercancias pa Cuba, pa Canada 6,2 millon, Alemania Occidental pa 5,2 millon Gran Britania pa 4,2 millon y Francia pa 3,7 millon dollar pa Cuba.

Lucha contra inflacion den paisna n E.E.G.

BRUSELAS, 15 Febr. - E vice presidente frances dje comision Europeo di EEG Marjolin, a bisa na Bruselas di ta spera que anja di lucha contra inflacion. Papiando na un reunion dje comision social dje parlamento Europeo el a bisa, si cu si nada haci contra inflacion, tin amenaza pa un recesion.

Marjolin, a ripiti ediscurso cu el a haci promer, cu e comunidad economico europeo ta den un desarrollo inflatorio. Ta trata actualmente di vence un falta global di equilibrio por medio di contra medidanan global.